



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

De spectantibus ad instructorem Mysticum. Decisio Prima [i.e. Decima].

urn:nbn:de:hbz:466:1-9766

tam in se , quam in alijs patienter tolerando; ut potè qui indignus sit tum interna, tum externa pace, virtutis, & pietatis gustu benè affici. Siue ergò amicè, siue durè à Deo tractetur , in omnibus actionibus suis super omnia oculum spiritus habeat ad Deum apertum , & sincera attentione audiat, si quid loquatur in eo Dominus , & illicò loquentem ut audierit, sequatur, quounque ei , qui est via , & veritas , deducere placuerit ; absque angente sollicitudine, num melius sit sinistrorum, quam dextrorum , sursum vel deorsum , anterius vel retrorsum aspicere , ambulare; sed absque particulari delectu pro re nata , & in præsenti meliori dispositione , situ , mentali vbi , motu vel recto , vel obliquo , vel circulari , (ut potè congruentiori medio in Deum, vt in summum bonum , & sibi propor-

tionatum finem) tendat. Atque ita non habet opus , ut sciat certò , & indubitate , in quo statu versetur; vel an de omnibus aliiquid , vel in toto nihii habeat; sed omnia , & singula diuinæ prouidentiae , humili , ac resignato corde subijciat, & [a sua ad Deum conuertat, qualicunque demum ratione , seu quibuscunque modis id facere licebit ; per ea maximè, ad quæ speciali deuotione dicitur . & in quibus plus gratiæ senserit.] Hisce itaque sufficienter dictis , tam de illis mysticis , qui ad supernaturales status transeunt ; quam de istis , qui ad illos non transeunt ; priusquam ad secundam partem huius summæ pergamus , quædam ad maiorem cautelam eorum , qui alios erudiendos in mysticis suscepérunt , superaddere oportuit, vnde consequenter dicimus.

a. *Taul. Dom. i. post Trin. f. 2.*

DE SPECTANTIBVS AD INTRV- CTOREM MYSTICVM.

DECISIO DECIMA.

SI cùt in cœlesti Hierarchia , a mediæ à superioribus illuminantæ , inferioribus lumen , suæ notitiæ immittunt ; ita prorsus in Ecclesiastica Hierarchia vsu venit apud illos, qui ad iustitiam b crudient multos ; dum ea , quæ ex Sacris literis , antiquis Patribus, pietate, & doctrina illustribus viris hauserunt , quotidiana experientia digerentes , paruulis , seu inferioribus panem spiritualis instructio-

N

nis

a. *S. Dion. de cœl. Hierarch. c 7. & 8.* b. *Dan. 1. E.*

nis p̄tentibus, liberali dexteritate porrigitur. Verūm quia non nulli magistri constituuntur, aut quod magis absurdum, & periculōsum est, non vocati seipso intrudunt: licet in praxi mystica vix discipuli, & ad status (propt̄ris suis perfectiores) ordinatē, & securē deducendos, incapaces sint: oportuit hoc loco quādam apponere, ad cautelam eorum, qui dum alijs prædicant, ipsimē reprobi non fiant, neue cæco cæcum ducente, ambo in foueam cadant: maximē verò, vt p̄entiores magistri discant non a omni spiritui credere; sed probare, si ex Deo sint, nec ne. Vndē dicitur,

- I. *Mysticum directorem ad facilem, & securam praxin plurimum conferre, & maximē requirendum esse.*
- II. *Ad vitam mysticam, quinam aptiores.*
- III. *Quod mysticorum varijs naturis examinatis se se conformare habeat.*
- IV. *Nē sensibilem, sine affectuosa m̄ denotionem nimium excitet.*
- V. *Extraordinarias mentis perceptiones, voluntatisque excitationes amoras, sicut etiam aelius infusos, statum mystici non mutare.*
- VI. *Priuationes impropias ex ipsa pranitate naturæ, & mentis hebetudine pronenire.*
- VII. *Vt spiritualis magister spectator sit patiens admirabilis inconstantie at tædij incipientium, & proficientium.*
- VIII. *Vt pericula alterius sexus caueat ordinata discretione.*
- IX. *Summarium statuum mysticorum secundæ partis, seu modi supernaturaliter operandi.*

ARTICVLVS PRIMVS.

Mysticum Directorem ad facilem, & securam praxin plurimum conferre, & maximē requirendum esse.

Si vspiam cogitationes b mortalium sunt timidæ, & incertæ prouidentiæ nostræ, & si vspiam expedit scire consilium Dei, & cogitare quid Deus; hoc ipsum in mystica exercitatione, vel maximē locum habet, cum vel ideò

mystica dicatur, quod ab oculis omnium viventium abscondita sit, & volvres quoque cœli lateat; dum nullo ingenio, quo quis humano lumine perfuso, acquiri potest; sed Deo miserante, c & cui ipsi placuerit, illam largiatur: atque eo respicit illud in amoris diuini schola dictum Domine nescimus, quo vadis, & quomodo possumus viam scire. Vndē iure merito Sancta Mater Teresia prudentis, & experti directoris inopiam deplorat dicens, [nullum magi-

a 1.Ioan.c.4. b Sap.g. c Infra z.p. Dec.1.1.4.

magistrum a Confessarium inueni, qui me intelligeret, tametsi viginti ipsis annis talem quæsierini. quod haud dubie mihi non parum nocuit. ex huius defecetu non solum sèpiùs retrocessi, verùm etiam in præsentissimo periculo fui, ne penitus pessum irem.] hoc tamen non ita stricte accipiendum est, scilicet prudentes, & expertos confessarios non esse; sed raro inueniri, vel quod quærendi occasio indigentibus præscindatur; vel quod latere magis, quam propalari desiderent, qui secretum suum sibi seruant: vel quod sollicita cura non quærantur instructores myltici: qui etiam [à b centum milliaribus quærendi essent.]

Quod autem spiritualis director ad facilem, & securam praxin plurimum conferat, & maximè requirendus sit; præcipue facit, quod [voluntas indiferenter, c & aliquando falsò feratur ad summum Bonum] quo falso posito, facillimum est ei, qui mille nocendi artes nouit, sub boni specie in plurima pericula, & damna præcipitem dare simpliciter ambulantem; aut de propria sufficientia benè sentientem, aut altioribus se temerè ingerentem, aut etiam sub pictatis velamine vitijs mancipatum. [prodest ergò non mediocriter d consilium accipere, & accepto credere virorum expertorum spirituumque, quales iudicant de omnibus.] & certè si [primæ illæ & cœlestes natu-

ræ, & essentiæ, quæque tantum præstant omnibus diuinam scientiam e capiunt ordine Hierarchico,] & purissimis illis spiritibus proportionato: quantò magis [ad præsentis fuitæ beatitudinem amicorum societas requiritur, vt illis ad opera vitæ actiuæ, & contemplatiuæ præstanda iuuetur, oblectetur & exerceatur homo,] vtque doctrinam & illustrationem, quæ conceditur diuino progressu, & ordine consequatur. sunt enim spirituales magistri tanquam [terrestres Angeli, diuinique g silentij interpres: & tanquam lumen clara, quæ Eum, qui abditis latet, indicant.] sicut ad oculum patet in Samuele Propheta, qui adhuc puer, licet secundo ipsi Domino locutus fuisset, Dominum b tamen esse ignorabat; donec pro tertia vice ab Heli sacerdote, & diuinorum Magistro edoctus, ad Dominum loqui dedicisset.

Cum autem è contra magistri inidonei i plurima damna inferant, [non debet temerè ducem se alijs diuini lumenis præstare, is, qui non omni statu suo, & habitu simillimus Deo euaserit, diuinoque instinctu, ac iudicio declaratus k sit rector, atque moderator.] qui verò in semetipso per Deiformes operationes benè ordinatur [l idoneus est ad purgandum, illuminandum, & perficiendum alios dispositiue, quia sumus coadiutores Dei, qui solus hoc facit effectuè.]

N^o 2

[Non

a In vita sua c. 4. & s. fusè. & alias sapè. b Taul. c S. Thom. Cont. Gent. l 3. c. 26. d Gers. Th. Myst. præct. cons. 2. e S. Dion. de cœl. Hier. c. 7. f S. Thom. Opus 6. q. 4. a. 8. c. g S. Dion. de Diu. nom. c. 4. h 1. Reg. 3. i Ioan. à Cruc. flām. amor. Cant. 3. v. 3. §. 8. 9. 10. &c. k S. Dion. de cœl. Hier. c. 5. l S. Bonav. Itin. 7. ater. d. 4.

[Non ergò decet & amantes mutua studia, mutuaque in alterutrum desideria nescire neque sufficit æstuanti animæ, ardentiisque desiderio semel audite dilectnm. Obscurio ergo manda, remandā. Nuntius medius inter nos diffurrat, qui me de singulis instruat. doceat me non solum super statum meum, sed & de statu tuo, doceatque, quomodo apud te sit, vel quid tibi de meo placuerit. [atque ita erit beatus, qui inuenit amicum ^b verum, & qui enarrat iustitiam auri audiens: non quidem indifferenter omnibus, sed à Deo vocatis, & ad vitam mysticam magis idoneis; vnde consequenter dicitur,

Ad vitam mysticam quinam aptiores.

ARTICVLVS SECUNDVS.

Sicut in domo Patris coelestis variæ sunt mansiones, & quisquis beatum pro sua dignitate vicinus, remotiusque Dei essentiam intuetur; ita prorsus, dum peregrinamur à Domino, unus sic, alius autem sic, donum habet à Deo. cum autem [Deus cuncta moueat & secundum naturæ propriæ dispositionem,] & ipsimet [angeli sint consecuti d' gratiam, & gloriam, secundum naturalium virium quantitatem, quod meliores, & excellentiores maiorem gratiam, & gloriam consequentur.] hinc etiam apud mysticos v-

nus alio magis aptus est ad diuina contemplanda. & [communiori e quidem mysticorum iudicio,] ad vitam contempli uam magis apti sunt, ætate iuniores, natura ingenui, flexibles, dociles, hilares, mansueti, & maxime humilitate præstantes. Quia tamen frustra est potentia quæ non redigitur in ætum, & non omnes qui apti sunt, ac secundum quod cognoverunt Deum, ita & glorificauerunt; ideò prudenter obseruatum est [nonnullos si in f' teneriori ætate quando adhuc suavisiles, dociles, habiles, feruidi, ac strenui sunt, probè imbuantur, fieri posse, ut quidam ex ijs suum maturent profectum, & in ætate adhuc tenera, ad aliora contendant.] quamuis [postea horum aliqui g' deficiant; ita ut qui in principio vix unum faculare verbum audire poterant, iam vix ab illa loquacitate se contineant;] & similibus defectibus execēcati, sibi ipsi & alijs quo modo molestiam, & damnum inferant. Pari modo licet aliqui [ex ipsa natura præ alijs quietiores sint, non tamen ob hoc ampliore sunt sanctitate prædicti; sed qui plus divini amoris habet, Deumque sollicitus obseruat, eidemque obseruationi studet satisfare, pro Deo virilius decertat, & virtutis, ac defectibus suis amplius, perfectiusque emoritur, ille nimis sanctior est.]

Mansueti autem & vero humiles,
bonam

a ibid d. 5. b Eccl. 25. c S. Thom. 1.2. q. 51. a. 4. ad 2. d 1. p. q. 62. a. 6. c. e Rusbroch. Harp. l. p. 2. c. 6. & passim alijs. f Taul. Dom. 3. post oī Epiph. f. 1. Barbans. de sem. occul. g Taul. ib. h Taul. instit. c. 16.

bonam spem repositam habent. Et quidem mansuetudinem tanti facit Dionysius, *a* vt non semel affirmet, tum demum Deum à Moysi recessisse, quando ipse prius à mansuetudine recesserat. Vnde etiam Sacratissima Virgo Maria magnificæ suæ beatitudinis (qua in Deo salutari suo exultauit spiritus eius) aliam rationem non assignat, quam quod respexerit humilitatem ancillæ suæ. & quidem iure merito; ad quem enim dicit Dominus respiciam *b* nisi ad pauperculum, & contritum spiritu, & trementem sermones meos. hinc etiam pia simplicitate prædicti, illiterati, & rudes, sèpè sunt præstantiores mystici. Et primo quidem, quia intellectus istorum, ad varias multiplicates & scientias *c* non distrahitur. Secundo vero, quia ipsam veritatem, quam vel audiunt, vel legunt non oblectatio ne speculativa tantum, (sicut à Scholastico aliquo de diuinis tractante) suscipiunt; sed pulchritudinem veritatis cognitæ, illico simul in amoris excitationem promouent: ita vt intellectus vero & pulchro illustratus, voluntas autem summo bono perfusa, ad amorem fortius consurgat. Vnde & vel idc exclamet Augustinus *d* [quid patitur? quid est hoc? quid audisti? surgunt indocti, & cœlum rapiunt, & nos cum doctrinis nostris sine eorde; ecce ubi volutamur in carne, & sanguine.] Quisquis igitur curiosus es sci re *e* quid sit hoc verbo frui, para illi

non aurem, sed mentem, non docet hoc lingua; sed docet gratia, absconditur à sapientibus & prudentibus, & reuelatur parvulis.] [quia ex his, quæ exterius experiuntur idiotæ *f* contemplatiui, perfectius diuina percipiunt, quam multi litterati.] [Cogitas ergo magnam fabricam construere celsitudinis, de fundamento prius cogita humilitatis. Et quantam quisque vult, & disponit super imponere molem ædificij, quanto erit maius ædificium, tanto altius fodit fundamentum. *g* & fabrica quidem cum construitur, in suprema consurgit; qui autem fodit fundatum, ad ima deprimitur; ergo & fabrica ante celsitudinem humiliatur, & fastigium post humiliationem erigitur.] & certè post gratiam Dei, nihil usq; adeò ad verum spiritualem profectum est necessarium, quam mansuetudo, & humilitas. iuxta illud Saluatoris: discite à me, quia mitis sum & humiliis corde. hæ namque virtutes ipsum spiritum humanum spiritui diuino quam maximè flexibilem reddunt, & ad eius amorem consequendum in primis disponunt; sicut [calor *b* ignis magis seipsum diffundit per ea quæcum magis cupiunt, quæque ad eius similitudinem, & speciem facile cedunt, atque ducuntur: in ijs autem naturis, quæ obsistunt, aut in contrarijs (vt aqua) vel nullum, vel certè exile, ac tenue quoddam igneæ actionis vestigium perspicitur.]

N 3

Rudio-

a In Epist. ad Demo Philo. & alibi. *b* Isa. r. 66. *c* S. Th. d l. s. Conf. c. 8. *e* Gers. tr. de Myst. Theol. Spec. Conf. z. t. 3. Alph. 64. l. n. *f* S. Bonav. g S. Aug. f. 10. de verb. Dom. h S. Dion. de cœl Hier. c. 13.

Rudiores autem natura, & ætate prouecti, admodum laboriosum in deuotione progressum faciunt [de fundo enim (scilicet mystico) a iuuenes plus habent, quam senes: eo quod hi plus satis suis conceptibus, institutis, & modis veteribus cum proprietate inhaerant.] vnde in mysticis propemodum talibus contingit, quod in scientificis; in quibus si quis illorum vix lectio[n]is, aut scriptio[n]is gnarus Philosophicas, ac Theologicas subtilitates addisceret, facilis præ senio in sepulchrum descendere: ingenuo adolescentे Condiscipulo, magna alacritate in istis proficienze: semper tamen saluo auxilio gratiae diuino extraordinario. At Cholerici homines duræ cervicis, instabiles, captiuæ mulierculæ, garrulæ, cursitantes per domos, & maximè elati animi homines, non habent partem, neq[ue] sortem b in sermone hoc mystico [præsumptuosi] verò c & iactantia dediti; adhuc sub potestate Diaboli tenentur captiui.] vnde si quispiam horum tempore probatio[n]is in statu religioso ita reperiatur, ut altam radicem iecisse, & vix mortificationis, & virtutis studio superari posse credat vir prudens; ad seculi statum eiusmodi remittat; nisi quis amet spinas in oculis, & morbidam ouem sanas inficiemt.

[Postremo d gaudeant benè nati, siue hoc habeant à solo Dei miraculo, vt Ioannes Baptista, siue ab influxu supe-

riorum corporum, siue à proxima rati dice parentum, vel ab educatione bona, quæ mores facit; gratias agant, undeunque prouenerunt, neque gratiam in vacuum recipient, iuxta illud: Gratia Dei in me vacua non fuit. nam in iniuriam cedit donantis, donum neglere, nec eo vii quod donatum est.] quantumcunq[ue] ergo aliquis sit puer ingeniosus, & fortitus animam bonam, nisi Dominus dono gratiae mysticæ ædificauerit domum, in vanum laboruerunt, qui ædificant eam; & [gratia] orationis nec in transitu præsto erit, nisi illi animæ, quam ingens deuotio, & desiderium vehemens, & prædulcis effectus sponsam probat.] quia tamen [corpora findire] etè bonitatem intelligentiæ operantur; vnde & molles carne aptos videmus mente:] hinc etiam gravioribus infirmitatibus cruciati, indirectè à contemplationis quiete impediuntur in exercitio actuali; directè autem ad participationem passionis, & doloris pijissimi Salvatoris nostri deducuntur: quod in gratia mystica præstantibus, & cum digni fuerint pro nomine Domini contumelias & dolores pati, ut ille, & cum maximo merito solet contingere.

Cum autem mystico instructori opus foret scientia, sicut Angelus Dei, consequenter dicitur,

Quod
a Taul. tom. 6. post Trin. serm. i. b Act. c. 8. c ubi supra. d Gerson Theol. myst. pract. conf. i. e S. Bern. serm. de circum. f S. Thom. cont. Gent. l. 3. c. 84.

Quod mysticorum varijs naturis examinatis se se conformare habeat.

ARTICULUS TERTIVS.

Qvi Dei coadiutores sunt spirituales Magistri, cum primis aduentant oportet, non ita facile admittendum esse ptimum illum appetitum, quo passim nonnulli in vita spirituali (præterim ex instituto ad illam non vocati) erudiri cupiunt. [quis a enim nesciat, quosdam ex hominibus plus vigere in irascibili virtute; quosdam in rationabili, alios in concupiscibili; in qua virtute saepius viget fœmineus sexus, qui propterea pius, deuotusq; nominatur.] & ideo [iuuat circumstantias personales attendere, vt corporis sic, vel sic b complexionati. Status quoque in Republica, loci præterea, temporis; vel memoriae, iudicij, aut qualis in irascibili, qualis in rationali, qualis in concupiscibili reperitur.] [iuuat etiam miris modis ad operationes has, vel illas conformitatis inclinatio c naturalis: sicut ex aduerso dissonans tantum obest, quod vix libertas animi, vix disciplinatio, vix conatus assuefactionis, sufficit euincere.] noli ergo [ad instar d huius, vel huius tuam instituere vitam, ut eadem velis, qua ille, vel ille ratione viuere. grandis ista cœcitas est; quam enim dispares homines sunt, tam

dissimilia quoque illorum ad Deum itinerant. quod vni vitam, alteri mortem subministrat; nec non pro complexionum & naturæ diuersitate, gratia saepè-numerò in hominib⁹ operatur. Ut ergo præfatus sum, noli modos seu instituta hominum attendere, potius virtutes illorum obserua, si quos his præditos videris. Contemplate in alijs humilitatem, mansuetudinem, & id genus virtutes alias. Cæterum obseruandi modum talem elige & assume, qualem exigit vocatio tua. Hoc enim comprimis dispiciendum est, obseruandumq; tibi, quæ sit vocatio tua qua vocatus es à Deo, vt huic morem geras.] & [certè e ego ipse si passim omnes sectari voluisse, iam pridem vita functus fuisset.] itaque [consideret f quisque in fundo suo, quæ opera, qui ritus huc modi, quæ exercitia magis ipsum, ac viciniū in formæ nesciam, ac superessentialē illam imaginem introducant, subuehantq; ; & ea opera, illos ritus, eaq; potissimum sectetur exercitia, donec & sui ipsius, & rerum omnium exuator formis, ac imaginibus, & in diuina illa imagine supra omnes imagines absorbetur.]

Cum autem [omnes species g iustitiae quas habent servi Dei in veritate, possint habere servi Diaboli in simulatione; solam autem charitatem spiritus sancti non possint habere:] in spirituali vita instruendi, diligent ratione prius

^a Gerson Theol. myst. præct. lons 2. ^b ibid. conf. 2. ^c Taul. Dom. 20. post Trin. serm. 1. ^d ibid. paulo infra. ^e Item Dom. 4. Adu. serm. 2. ^f Chrys. apud Harph. l. 1. p. 2. c. 39.

prius examinandi sunt; quænam præteritæ vitæ agendi fuerit ratio, quæ inclinationes ad peccata, vitiaque, ad quos defectus propensio maior, quæ ingenij, & humoris constantia, vel mutabilitas, quibus motiuis, & inspirationibus internam vitam aggrediatur, quæ morum & animi grauitas, aut dissolutio; similiaque complura, quorum neglectu, aut ignorantia subindè contingit, ut quod maximè scitu necessarium erat, spirituales Magistri ignorantes, dum internam operationem promouere conantur, instruendus ad grauia quandoque, & occulta peccata prolabatur, & ita dum spiritualia elicere conatur, alias carnalia metat. Demum in tanta humorum, & agendi modorum varietate; naturis, & conditionibus cuiuscunque examinatis, sese conformet, & hoc ipsum singulis ordinet, quod quemlibet eorum facilius ad solidam mortificationem, virtutis studium, & denum [quod cor illius ad devotionem amplius inflamat, a Deoque vicinius iungit, applicatque;] conformiter tamen ad statum, quem instruendus habuerit.

His autem positis, quam maximè cauendum est, ne ullus, cuiuscunque conditionis, status aut sexus fuerit, ad mysticam vitam assumendam inducatur; nisi in illo prius, aut vocationem in qua contemplationis studium viget, aut singulare ad interiorem Dei amorem gratiae auxilium expertus fuerit.

quis enim est homo, qui volens bædicare domum, non prius sedens computat sumptus necessarios, si habeat ad perficiendum? & quis Magistrorum vitæ spiritualis non ingemiscit, ubi sub contemplationis specie, vagum & dolosum, ne dicam carnalem colubrum, post annorum spatia (sensualiter in Christo transacta) excoixerit. atque idè consequenter monemus,

Ne sensibilem siue affectuosa deuotionem nimium excitet.

ARTICVLVS QVARTVS.

Circa regulas & deuotionis sensibilis, duo spirituali Magistro obseruanda veniunt. Primum, quod sensibilis illa deuotio (qua nonnulli affectuosæ naturæ in benedictionibus dulcedinis præueniuntur) [tandem aliquando d' intereat] (saltē ordinario cursu spectato) etiamsi triginta, & ultra annis duraret, & quantumcunque ille, qui hanc deuotionem sentiret, contrarium assereret: cuius quidem veritatis & praxis, vel pro oculari teste, & quidem non semel, & in uno subiecto nos exhibere possemus. Secundo, quod maiori radicatio in charitate, & profectus spiritualis in Dei amore, non consistat in maiori intentione, affectuum, siue ferooris amorosi; ita ut si mysticus hodie esset affectuosus, & spirans amorem diuinum; ut in gradu tertio,

a Taul. in Natiu. Dom. serm. 4. b Luc. 14. c sup. decis. s. a. 3. & 4. d Taul.

Vertio, post mensem debeat spirare, & commoueri, aut penè ardere, ut in sexto, & ita consequenter. hoc enim præterquam quod per se fieri non debeat, (si tamen fieret) hominem omnino aut mente, aut corpore, aut utrobiq; inutilem redderet. Ad primum ergo quod attinet, cum sensibilis deuotio tandem deficere habeat, vt eidem spiritualis deuotio succedat; attendat sedulò Magister spiritualis, ne illam nimium exciter, multoque minus illam ex se in discipulo formet, aut potius effingat: sed secundum id quod in præsenti verum, & reale de Dei amore competit, explicet, diuidat, & bonum à malo, vile à pretioso discernere doceat. quo ita tandem ablactatus & que benè inueniat, vnde utiliter in interiori suo, & occupetur, & ad maiora charismata se disponat. super omnia autem caueat ne cum instruendo de altis rebus tractet, aut talem statum vel operationes in discipulo efformare conetur, quales in se habet, ac experitur; ad hæc enim incipiens, aut proficiens omnino est incapax, & incredibile damnum incurere solent, qui taliter ducuntur, & instruuntur.

Amor itaque, qui in inferiori homine habetur, & sensibilis dicitur, in tantum est admittendus, in quantum opus est, vt inordinatus amor, siue concupiscentia blandimentum, à dico amore supprimatur, & spiritus pauperrimus intimius eleuetur. Ad secundum vero, quod attinet, Magister spiritua-

lis à tali errore abstineat, vt sibi, alijsque persuadeat, magnum quid præstatum esse, si indies maiores seruores in parte sensibili excitet; præfertim si cum alio sexu hoc fiat, aut cum illis, qui penè innata deuotione Deo famulantur. tales enim ad sensibilem deuotionem, & seruorem sat propensi sunt: Vnde potius aliquo modo, & inaduententer, quasi à sensibili ad sincerum in Deum amorem promouendi sunt. Si quis tamen sensibili deuotioni excitandæ collaborare volens, ecstasies quasdam, seu potius mentis alienationes, suspensionesvè in se, aliovè causauerit; non est quod hoc ipsum tam magni aestimet, quam quod aut sensuali conuersationi, aut ignorantiae utiliter, & ordinatè in vita mystica de uno in alterum, & de sensibili in verè spiritualem cum Deo conuersationem deducendi, tribuat. Et ideo longè melius fecerit Magister spiritualis, vt quando ad altiora se, & quæ verè, & realiter in praxi non possidet, prouentum fuerit, discipulum ad perfectiora tendenter, alteri instruendum committat: nec turpis lucri, aut vani honoris gratia detentus, cæcus cæco ducatum præstet, & ambo in foueam cadant. Vbi enim quis in amore sensibili penè inueteratus, tandem ablactatus fuerit, tantam internæ desolationis amarulenniam, tedium, & ariditatem in illo conspicere licebit; vt nulla persuasione, industriavè, ad sanam interioritatem redire posse videatur.

O

Cum

Cum autem sensibilis deuotio bene ordinata, sit quasi umbraculum meridiani aestus, ne scilicet dum peregrinamur a Domino, terrenarum rerum concupiscentia allegeti, & abstracti, ab incommutabili ad commutabile bonum desfle etamus; serio curet spirituialis Magister, ut blandimentum diuinæ consolationis moderatè propinet, quod ita simul anni adolescentiæ, ac pruritus mundi mysticis Athletis quasi furtiuè abeant; donec virili constatia, & iudicio armati, corruptam in seiphs natüram potius videant, quam sentiant: alioquin prodigaliter assumpta sensuilitate diuina, subsequitur carnalitas humana, iuxta illud Apostoli: *a Cum in Christo luxurias fuerint, tunc nubere volunt.* quasi diceret, nonnulli postquam in diuinis recollectionibus sensibilem amorem non amplius gustant, tum ad sæculi voluptatem, cor, animum, & corpus conuertunt. quod certè plerunque in adolescentioribus cuiuscunque sexus, si sese ad mortificationes, & virtutes solidè exercendas non impenderint, contingere manifestum est, illis maxime, qui in praxi diu, & multifariè versantur. Ne autem spiritualis Director circa operationes supernaturales, & præstantiores accidentaliter immissas hallucinantur, consequenter dicitur,

Extraordinarias mentis perceptiones, vobis luntatisq; excitationes amorosas, sicut etiam actus infusos, statum mysticæ non mutare.

ARTICVLVS QVINTVS.

IN ordine consecutivo statuum incipientium, & proficientium, tam intelligendo, quam explicando, nihil tam facile, etiam spirituales Magistros involuere potest, quam ignorantia actuum diuinitus infusorum. hos enim cum vel non aduertant, vel admirantur duntaxat; præsertim quod subinde reales mentis eleuationes, imperfectas autent vel plurimum, rariis vero perfectas, Ecstasies, & raptus efficiant; minus clarè dignoscere valent, an istiusmodi operationes inferioribus statibus conueniant. Vnde cum facillime eogitent, tales animas ad sublimiores status eleuatas esse, exercitia quoque spiritualia statum ordinarium transcendentia, incongrue assignant.

Sciendum est ergo *[omnia] b contemplationis genera posse fieri cum mentis excessu, & in omnibus etiam infimis statibus meditationis, aspiracionis, & contemplationis utriusq; modi, locum esse actuum infusorum, ita ut aliquando iuxta beneplacitam, & ab oculis viuentium absconditâ Dei sapientiam, pia anima a Deo dignetur sublimiori gratia; independenter quidem ab omni exercitio, directione, & auxilio huma-*

a. Tim. 5. b Rich. L. 4. de Cont. c. 22.

mo: cum eo tamen, ut licet à Deo actus infusi, aut voluntatis amorosæ excitationes, in inferioribus statibus mysticū ad excessus mentales, ecstases, aut raptus eleuare possint; id tamen non fieri nisi in actu transiente, ita ut cessante actu infuso, & eius operatione, consueta sint reassumenda media, & auxilia interna proprio statui conformia: licet aliquis de illorum numero esset, qui gratias sanctorum Viatorum præse ferre videretur. Vnde etiam legimus non nullos sanctos post summas ecstases, & raptus, pias meditationes solitas realsumpsisse, id quod non tam imperfectioni spirituali, quam gratiae diuinæ intentioni, & remissione tribuendum est. licet autem dicti actus infusi, & commotiones voluntatis statum mystici non mutent; possunt tamen piam animam (per saltum & promouere;) ut si quis, verbi gratia, à statu meditacionis ad statum contemplationis ita diuinitus transferretur, ut non amplius ea quæ sunt meditationis; sed quæ contemplationis sunt, exercere posset: tum enim nequaquam vrgenda esset pia anima, ut ad priores status practicandos reuerteretur, nisi hoc fieret ad probandum, num verè non amplius in prioribus statibus quicquam possit, quod pro maiori cautela, à Magistro spirituali prudenter fieret. Sicut autem contingit spiritualem Directorem falli circa operationes supernaturales, ita

etiam circa priuationes impropias: yn-

de consequenter dicitur,

Priuationes impropias ex ipsa prauitate naturæ & mentis hebetudine prouenire.

ARTICVLVS SEXTVS.

PRæter suprapositas causas b impropias priuationis, & desolationis spiritualis, Instructor mysticus scire habet, [quod ipsa sensus hebetudo c sit quadam mentis debilitas, circa spiritualium bonorum considerationem;] quodque [ipsa sensualitatis ordinata d inclinatio, ex destitutione originalis iustitiae proueniens lex carnis, seu lex fomitis dicatur, legisque rationem habeat, in quantum est pœnalis, & ex lege diuina hominem propria dignitate destitutum, consequens.] ita ut vel hinc infinitæ propemodum desolationes, aridates, & interiora tædia indies aptid nonnullos iuniores, & dutiioris naturæ facillimè prouenant. quæ quidem non ut veræ e spiritus priuationes; sed ut infirmitates ipsius virtutæ, & rebellis naturæ censi debent. præsertim cum hoc plurimum tempore ipsa incipientium, & quandoque proficientium cruda mala, & merissima spiritus incapacitas omnem animi languorem, & auersiō nem contra religionis instructiones,

O 2 mor-

a S. Bonavent. 7. Itin. at. b Decis 5. art. 9. c S. Thom. 2. 2. q. 15. art. 2. d ibid.
e de quibus larius inf. 2. p. decis 2.

mortificationes, virtutes, & perfectio-
nes, exhalet.

Et certe qui in anno probationis a-
licuius rigidioris, & sanctioris religio-
nis, inordinatas passionum rebellio-
nes ita patiuntur, ut à communis viuen-
di ratione molestiam sentiant ordinaria-
riè, simul penè ut saxa obdurati, & cœ-
lesti solamine destituti; utrius ad sæ-
culi statum remittuntur, quam ut à
primis, usque ad ultimos annos seipso, &
aliis infinitis modis contorqueant;
& tanquam terra sàpè a venientem su-
per se bibens imbiem (bonarum in-
structionum, & consiliorum) profe-
rens autem spinas, & tribulos (duræ
ceruicis, & naturæ) reprobi sint, & ma-
ledicto proximi: Quia verò in schola
amoris Christi Domini parum est reli-
quisse, quod quisque habuit, multum
verò reliquisse, quod quis est, hinc con-
sequenter hortamur,

*Ut spiritualis magister spectator sit pa-
tiens admirabilis inconstans, ac
tadis incipientium & pro-
ficientium.*

ARTICVLVS SEPTIMVS.

CVm D E V S sit Bonum vniuersa-
lissimum, & quodlibet eorum
quaे sunt, eius particeps esse cupiat,
innata ad Deum propensione frequen-
ter vsu venire solet, ut de mystico ex-
ercitio vix quidquam audiuisse conti-
gerit; quin impetu crudi affectus ad il-

lud, vt ad aliud quidpiam temporale
ferantur nonnulli; licet ad statum re-
ligiosum, & contemplationi aptum
non sint vocati. in quo certè modo
contingit quandoque, quod in scho-
lis artium, in quibus sicut copiosa mul-
titudo ad scientias acquireendas irrum-
pit in principio, in progressu vero tan-
topere diminuitur paulatim, ut ad
ipsas scientias vix pauci perueniant,
paucissimi vero in viros probatos eu-
dant; pari itaq; modo in confluxu my-
stici exercitij, quis non collæetur, a-
nimas Deum quærentium, quasi hor-
tum irriguum, & odoramentorum in-
tueri? quis autem magistrorum spiritua-
lium non ingemiscat, ipsorum plures in
ipso exordio diuini obsequij torpore,
& ignavia disfluere quasi iuuenculos
indomitos Christi iugum abiecere, ac
in Dei seruitio ea nolle præstare, qua
vel in sæculo ad vitæ necessaria haben-
da peragere deberent? [vix enim est al-
liquis, qui in his quaे Dei sunt, experiri
velit quid possit, etiam quod secundum
b sèculū promptissimè potest; siue fauor
allexerit, siue timor impulerit, vel com-
modum quodcunq; suaserit.] Quia ve-
rò huiusmodi spiritus tedia, non semper
ex defectu boni animi, & propositi Deo
famulandi; sed frequenter ex destitutio-
ne originalis iustitie, sensus hebetudine,
mentisque debilitate circa spiritualium
& bonorum considerationem proue-
niunt, non sunt incipientes, aut profi-
cientes ob similes imperfectiones illicè
rei-

a Hebr. 6. b S. Bernard. c ut hic art. 6.

reiciendi; sed oportet, ut magister patiens spectator sit tantæ inconstantia, qua recenter ex saeculari voluptate, & omnis concupiscentia cloaca segregati, & vix uno aut altero anno in Dei seruitio, mortificationibus, virtutibus, & internis actionibus exercitati conturbantur, & à Diabolo, Mundo, & carne varie, imò quandoquè penè ad delirium usque exagitantur. itaque sic Magister spiritualis patienter tædia incipientium, & proficientium, bono animo, propositoquè ad meliora conantium tolerat; ita vagos, & dissolutos directè ad mortificationem remittat: [nullus enim Deum b spiritualiter videre potest, & mundo carnaliter viuere,] interna verò exercitia ad virtutis studia dirigat.

Nec miretur, aut contristetur spiritualis magister, ac si suo neglectu resilirent plures discipulorum; nemo enim modicè instruitur, quin si fideliter gratia locum præbuerit, satis, superque præstare valeat ea, quæ ad mortificationis, & virtutis exercitium, ac internum profectum spectare creduntur. nemo etiam tam excellens erit magister, qui in perfecto, & contemplationi comprimis consecrato religioso statu constitutum, interea verò saeculo magis, quam Dei seruitio aptum, & deditum, ita instruere, ut benè instruum, benè operantem facere possit. Talis enim inter religiosos viuit magis,

vt bonus per illum exerceatur; quam vt in se corrigatur. circa illos autem, apud quos boni desiderij affulget fructus; recogitet, quam maximè quod [Adolescentia multa e corporis bella sustineat & inter incentiuæ vitiorum, & carnis titillationes, quasi ignis in lignis viridibus suffocetur, vt suum non possit explicare fulgorem: quodque senectus rursus eorum, qui adolescentiam suam honestis artibus instruxerunt, & in lege Domini meditati sunt die ac nocte, ætate fiat doctior, usq[ue] tritior, processu temporis sapientior, & veterum studiorum dulcissimos fructus metat.] recogitet, inquam, quod si angusta d' porta, & arcta via quæ ducit ad vitam, & pauci sint, qui inueniant eam: quomodo non erit felicitatis mysticæ semita, vt foramen acus contracta: & cum etiam e non omnes iustorum gratiam mysticam in hac vita consequantur, quid in arido ligno, & incipiente, aut proficiente, adhuc patientia opus sit, priusquam illa spiritus dulcedo in multitudine sua perficiatur in competitu f filiorum hominum, & in probatum virum euadat, etiam illorum testimonio, qui alioqui ad quævis cauillanda promptissimi sunt. Eiusmodi autem patientia cum habenda sit cum hominibus vtriusq[ue] sexus, & malitia, seu tenetatio sit vita hominis super terram;

hic consequenter monemus,

O 3

Vt

a S. Gregorius libr. 13. moral. cap. 28. b S. Hieronymus ad Nepotian. Epist. 2. tit. 1. c Matt. 7.
d 2. q. decis. 1. art. 4. e Psal. 30.

Vt pericula alterius sexus caueat ordinata discretione.

ARTICVLVS OCTAVVS.

VARIÆ propositiones, dubia, & pietatis cupiditas, cum in deuoto fœmineo sexu plerumque magis, quam in viris, spirituali magistro inferrat molestiam; accidit nonnunquam, dum incensus, aut ab inordinata concupiscentia non sat defœcatus, discursus spirituales multiplicat, & documenta quædam generalia (ut medicinam, omni morborum generi adhibendam) assumere habet; ut paulatim quoque, ad leuijs, inutiliaue colloquia deflectat: donec tandem vtrumque sic stulti facti sint, vt cum spiritu cœperint, & carne consummantur, halitus enim Sathanæ b prunas atdere facit; & vbi sub specie boni incensus, & carne nondum emortuis occasionem prebuerit, infernali sua astutia concupiscentiæ fomitem actioribus stimulis inflamat. in spiritualibus etiam maximè similitudo c cum sit aliquorum unam formam habentium, in eaque una forma, quasi unum quid existentium facit, vt vnius affectus in alterum tendat, sicut in unum sibi, eique bonum velit, sicut & sibi ac proinde causa amoris est.] prouide ergò monet Augustinus dicens: [asper sermo, d

brevis, & rigidus cum mulieribus habendus est; nec quia sanctæ sunt, ideo minus cauendum est. quò enim sanctiores sunt, eo magis allicitur, & sub prætextu blandi sermonis, immiscetur virtus impudicissimæ libidinis. crede (inquit mihi) Episcopus Ego sum, veritatem loquor in Christo, non mentior. Cedros Libani, & grandes abies sub hac specie corruisse vidi, de quibus non minus præsumebam, quam de Gregorio, & Ambroso.] de periculis etiam, quæ hinc oriri possunt, nusquam ad praxin accommodatè magis perlegeris quidquam, quam quod à Taulero e ad oculos positum est.

Aliud etiam subindè, non tam ex genere suo impurum, quam honesto viro indignum, solet incantationis penè delirium, ex huiusmodi mulierularum sufflamine exoriri; videlicet, vt viri alioquin sat prouidi, & rerum mysticarum non ignari, tantum visionibus (fortè melius quis dixerit, ementiis compositionibus, ac phantasticis Experiencij) credant, vt etiam probati mystici authores, minus apud ipsos valent: tantumque suggestionibus illarum, & tribuant, & obedient; vt vel tenacissimè iacent in verba magistræ, non obstante, quod subindè mulierulas tales, & in iuris codice, & in populi (vt Dei) voce, maculis Lenocinij, & magiæ diabolicae, nomina fecunda habere intelligent. Et hoc quidem de-

ceptio-

a Gal.3. b Iob.41. c S. Thom. 1. 2. q.27. a.3. c. d apud S. Bonau. in reg. Nou. c. II. e in festo S. Agnet. f. v. & S. Bonau. proc. 4. Rel. 4 c. 5. l. 2.

ceptionis genus in pauperioribus, quo ita vitæ, sustentationisque commoda subdole venentur, ut plurimum contingere solet. Cuius quidem rei experientiam fateri poterunt, qui etiam nostro saeculo similes mulierculas comodatis rebus, furtiuè, & insalutato hospite (vt dicunt) ac cum præda discedere, non sine proprio rubore, & alieno damno, didicerunt.

Ceterum prudenti, & ordinata discretione adhibita, poterit quilibet iuxta cotidionis, & status sui iura, ac patriæ consuetudinem, cum alio sexu de rebus honestis, utilibus, ac spiritualibus conferre, pro ut expedire videbitur. præsertim si virtusque viuendi ratio, & virtutis, & contemplationis gratia, sit munita. sic enim qui ex aduerso est, nihil habet male dicere de illis, nec iustum scandalum obtrudere; nisi in quantum proprias concupiscentias despiciens, aliis talenti iudicat, quem se in brutalí appetitu sentit. quæ quidem scanda potius malitiosè accepta, quam verè data illis maneant, certuantque, qui propria cupiditate subuersi, sibi ipsis in tormentum viuunt; quibusvis autem alijs pro re nata molestiam inferre gestiunt. Virtutis autem & amoris diuini studiosis satis sit, quod fint omnia a munda mundis, coinqnatis autem, & infidelibus nihil sit mundum; sed inquinatae sint eorum, & mens & conscientia. Et hisce quidem de statibus primæ partis breuiter dictis,

ut constet quinam status adhuc supersint, pro conclusione consequenter apponimus,

Summarium statuum mysticorum secunda partis, seu modis supernaturaliter operandi.

ARTICVLVS NONVS.

VT reliquum viæ dilectionis Dei, & modorum perfectius operandi ad intra, illis saltem constet, qui ad status supernaturales non transeunt; breuiter residuos, qui in secunda parte tractantur, hic apponendos iudicauimus. Itaque post statum contemplationis sive affirmatiū, sive negatiū modi, immediate sequitur status priuationis rigorosæ, in quo amoris rubigo, & imperficio corrigitur, depuratur, ac paulatim ad modum operandi substantijs separatis conformem, disponitur; Dein ad statum vniōnis, prævia infusione gratiæ mysticæ ad modum supernaturaliter operandi susceptra, promouetur. in cuius demum summo, maiora, quæ de vniōne mystica passim scripta sunt, per donum supernaturalis sapientiæ, statum transformationis modi descendētis, & eo finito, modi ascendentis, confequitur: ita ut circa diuinæ actiones absque imaginatione, & discursu rationis, ac secundum simplicis intelligentiæ conditiones, procedere valeat: per vicissitudinem status transformationis

a ad Tit. 1.

tionis utriusq; modis cūlicet tam ascen-
dentis , quam descendens sufficienter
(etiam si vel mille annis quis vixerit)
perdonum sapientiae in charitate , seu
Dei dilectione , continuo magis , ac
magis radicandus , perficiendusque .
Quod si postmodum ex diuina ordina-
tione quisquam particularibus gratijs
gratis datis , & eminentiori operandi
modo , quam per dona intellectus &
sapientiae , dignetur , ad statum Sancto-
rum viatorum referendus erit : in quo

magis singulari modo , quam ab ho-
mine dici possit , per Spiritus Sancti su-
per excedentes inactiones , regetur . fi-
naliter autem in patria Deo miserante
visuri Deum sicuti est ; alius tamen alio
clarius ; pro ut per diuinam prouiden-
tiā vnicuique datum fuerit . Nos
autem interea ad supernaturales dispo-
sitiones , status , & operandi modos ,
pro ut illos ad praxin per para-
phrases exposuimus , tran-
scamus .

PRIMÆ PARTIS FINIS.



SECVN-